

清·同治三年重刊本  
陳昌齊等撰  
中國省志彙編之十

# 廣東通志

(七)

華文書局股份有限公司印行

莊科

石簡

歐陽烈

周仕

吳國倫

楊逢時

蔣彬

曹志遇

林窠

申用嘉

姚繼舜 俱高州府知府

戴嘉猷

李渭

林資深

劉元相

江龍 俱高州府同知

王名善

毛鷓

陳源湛 俱高州府通判

楊賢

袁怡

鄭之珖 俱高州府推官

廣輿通志卷二百五十一

官職錄二十一 三

張復普 茂名縣知縣

鄧昇

王許之

張希學

陳王策 俱電白縣知縣

張景愚

姚原立

顧斌

廖毅 俱信宜縣知縣

黃智

李時敏

張冕

章述

祝簡

黃聰 俱化州知州

張謙 化州同知

鄒智 化州史目

王復原 化州學正

陶欽 化州知縣

汪季清 化州縣丞

謝

項汝廉

俱石城縣知縣

倪望 石城縣縣丞

徐鑑 石城縣典史

明

白叔敏不知何許人洪武十八年知潮州府興學校課農桑持身清白不敢干以私時郡多絕戶荒田稅糧令民賤納至鬻子女不能給叔敏奏除之至今人懷其惠 黃志

王源字啓澤龍巖人永樂二年擢進士授庶吉士改深澤知縣召為春坊至司直郎侍諸王講讀遷衛府紀善移松江同知以母老乞歸養服闋除刑部郎中英宗踐阼擇廷臣十一人為知府賜宴乃

廣輿通志卷二百五十一

官職錄二十一 四

救乘傳行源得潮州府城東有濟濟橋歲久半圯壞源勸民捐萬金重築之以其餘建亭設先聖祠配十哲像刻藍田呂氏箴約擇民為約正約副約士講肄其中而時偕寮寮率焉西湖山上有大石為怪源命鑿之果獲古幣懼怪遂息乃琢為碑大書潮州知府王源除怪石會杖一民死子訴諸朝并以築橋建亭為源罪逮至京罪當贖徒潮人相率扣關乃復其官久之乞休潮人奏畱不獲祠祀之 明史 陳白沙謂更于潮者多矣其有功而民思之唐莫若韓愈國朝莫若王源 縣志 劉元字嗣澄桂林人舉人正統間知潮州府時有

漳寇林烏鐵等擁眾擾郡之三饒勢甚猖獗湛躬統民兵剿捕殆盡郡中二年稅糧民苦荒歉不能輸湛奏免民甚德之黃志

周宣字正舉龍溪人正統乙丑會試第三人授戶部主事

出知潮州修文廟葺韓江橋築海隄擒殺海寇黃千一山賊羅劉倅等撫其眾歸破虜男婦數萬人賊平改惠州潮民丐雷不得亡何海寇復起圍潮城殺通判指揮引隄水洩民慮合當遣從

民情檄宣入境約日招降至期渠魁駕船數百舫

誅餘而至宣諭之賊皆投戈羅拜遂單騎詣潮

歷二十四村見賊尙圍營結寨知其心懷猶險乃

告當道曰賊疑矣羣心不協可殲也鼓而殲之潮

賊平潮志

陳道字元獻眉州人景泰甲戌進士擢御史以言事謫尉建陽天順初遷知潮陽廉斷而恤民以興

賢作士爲務會夏嶺盜起嘯聚以千計航海攻城轉掠諸村瑄多置烽墩以窺賊嚮及預爲守戰各

具晝夜登陣令室人具食饗士士感奮願效死賊

謀知備嚴遁去瑄命追擊大敗之會大兵進勸復密遣謀士誘執其渠魁餘黨撫安以功遷本府知

府潮志  
葉元玉字廷璽清流人成化辛丑進士授戶部郎

出守潮州以道憲示潮士潮有少餉與一員者元玉同年友也向元玉求澳田其地爲番倭船依棧之穴每開耕必有劫殺久爲潮人害元玉執弗與

後善責之潮志

陳諭字敬仲鄴水人進士正德八年知潮州矜恤民意奏免無徵米潮人世戴之脩橋築堤多有政績入覲再任卒于途黃志

郭灌字達誠江西廬陵人性峭直端方不輕借人以色笑望之知爲有道長者登進士謁選授刑部

主政署員外郎冤獄多所平反四年外擢浙江寧波守一載艱歸服闋改知潮州潮陽商舶知織稅

絕不入私囊人士迄今尸祝潮志

陸佐字子翼嘉靖丁未進士歷官潮州知府念郡城久圯浚濠修堞已而流兵突劫藉以安堵民甚

德之浙江志

袁鳳鳴字子時沅陵人嘉靖戊戌進士初令貴溪以治最召授監察御史喜彈劾出刺潮州首詢民

瘼理冤獄禁侵漁抑豪右寬濫征省繁役政暇聚諸生解經課業經聲不倦後竟爲權要所中改任

士民遮留謝之而去潮志

何寵字汝錫臨海人嘉靖癸丑進士歷官刑部郎中出知潮州潮素患倭寵一以靜鎮徐察其利病

廣東通志卷三百五十一

五

廣東通志卷三百五十一

六

興革之軍興旁午不知有徵發忽寢疾闔郡奔  
走祈請及卒罷市巷哭省像祠之浙江通志

侯必登江川人進士隆慶初以兵部郎守潮時倭  
擾後山海薦警井里為墟必登首罷一切苛條與

民休息而沈幾有雄畧善得賊情竟以談笑指揮  
先翦其羽翼劇賊屏跡民得更生嘗以試事之省

曾道經賊巢賊問之相率羅拜馬首肅隊前驅威  
德服人如此郡志

郭子章廬陵人進士萬歷間知潮州有才名政尚  
整肅吏畏民安著潮中雜記補前志所未備學者

稱為青螺先生有專祠其後胡喬岱亦廬陵人置  
學田以贍士金時舒晉江人修學宮以育才俱不

失為賢守潮州府志

樊王家晉江人進士天啓間知潮州廉正執法裁  
抑豪右民賴安輯繼之者有李斌晉江人治尚簡

易尤精鹺政不致於繁苛擾民一嚴一寬皆有功  
於潮郡郡志

黃日昌晉江人進士崇正間守潮政尚寬大平易  
近民民思之立廟以祀其後劉柱國潛江人崇正

辛未進士治務方嚴普舉孝廉楊開於朝兼攝鹽  
政剔除夙弊南人建坊以銘其德升廣東巡海道

後移湖南以張獻忠之亂殉節湘陰皆郡守中之

廣東通志卷二百五十一 官職錄二十一 七

表表者同上

彭艾江右人洪武初為潮州同知廉潔公恕嚴誣  
學校歲旱禱雨即應秩滿去民皆擁道留之不得

至今思之不忘黃志

衡岳汝寧西平人中河南鄉試遂升太學三十年  
詔國子監選諸生通理道者赴詹事府議事六館

之士咸推岳往敷陳時政切而不迂所司以聞擢  
潮州府同知岳約已惠民自常祿外饋遺一無所

取布衣蔬食不異寒士嶺海間翕然稱其廉三十  
五年遷陝西西安府知府其清操善政如在潮時

粵大 廣東通志卷二百五十一 官職錄二十一 八

劉秉鑑字遵教安福人尚書宣仲子登進士累官  
河南副使嘉靖初左遷韶州通判轉潮州同知溢

政廉明篤志古學政暇輒與諸生講究經籍多所  
發明一時翕然宗之毀淫祠以正人心省民邀福

之費越二年陞臨安知府赴任卒于英峽士民哀  
之潮州府志

劉魁泰和人正德中舉人嘉靖初為潮州同知潔  
己愛人扶植風教明潮地素富饒官其土者革

映相備魁獨安儉素布衣糲食有貧乏所不能堪  
者姓氏

姚孟賢字汝德號士仁慈谿人隆慶戊辰進士先

任貴池令爲巡撫海忠介所知薦于朝遷潮州府同知時巨寇朱良寶作亂孟賢戮力從戎衷甲不解者半年卒剿滅之潮舊有同賢祠增孟賢爲五

潮州府志

宗萬化字羅中上元人萬歷己酉舉於鄉謁選得

北直景州值山東白蓮教亂萬化大破之捷聞御

史吳姓給事解學龍交章薦補廣西左州一年轉

潮州同知時攝府篆海寇劉香老犯沿海諸郡甚

猖獗總督熊文燦屢喪師欲苟且就撫召監司以

下議有康某者阿文燦意請親詣賊舟餘率唯唯

萬化獨爭曰古之撫賊者必我足制賊賊畏威而

廣東通志卷一百五十一 宦績錄二十一

九

懷德然後聽我譬之馬銜轡在手可東西驅也今

我師屢挫賊甚張如徒手驅猛虎欲範我馳驅必

不得矣盍先謀大折其鋒不然必不可文燦色變

目攝之遂罷議康某邀萬化同往賊舟萬化固辭

賊卒挾康揚帆去按潮州府志副使康承祖因請借廣東道洪雲蒸請賊舟招

降賊故文燦以其言中愈銜之而萬化攝篆時試

士裁抑魏黨通政使吳殿邦至庭叱之批其頰殿

邦門人適巡按廣東遂與文燦交章誣以通賊多

受遺然事皆無証驗而萬化亦以病死矣魏叔子集

龐承寵吳江人進士崇正間由僉事謫任潮州同

知恬靜有介節遷秩去父老邁道送之其後黃中

澹廣昌人由本府通判陞同知廉靜愛民時有前

龐後黃邦人安康之頌潮志

妻賢安慶人宣德五年爲潮州通判爲政公勤愛

民如子公退則杜門以絕私謁嘗出勸農釋冠帶

執農具以耕其妻饒之其年大熟人皆以爲勸農

所致後卒于官士民哀之黃志

楊薰字太和南昌人正德三年進士任潮州通判

耿介特立居官貧甚雖正俸猶恐爲已累陞知州

去囊無銖積潮宦議清苦者歸之後復遷惠州府

同知苦節自勵惡衣糲食晏如也妻喪殮送過蒲

知府陳祥賻以堂食之餘薰峻却之時與祥通判

廣東通志卷一百五十一 宦績錄二十一

十

萬某號曰三清云潮州府志

諸變字子相餘姚人嘉靖乙未進士以兵部主事

謫潮州府通判二十一年署惠來縣事時縣初草

創政平訟簡視民疾苦若恫瘝在躬先是南城逼

縣治民居弗安二十七年海寇掠城外乃召耆老

莊文鳳等曰城外民居寇至無以爲守城南空虛

湫隘非縣治所宜今宜開拓數十丈以圍民居所

謂一勞永逸者也衆深宜之乃申請如議費役有

經規模宏廓民得奠居無寇賊疾疫之患皆燮之

力也黃志

揭馮字于漸將樂人嘉靖己酉應天舉人知兵法

短小精銳舞梁如飛初判潮州署海陽兩割屬清  
神山溝及石帆倭寇前後斬級奪男婦六百餘人  
南洋賊王若魯擁眾萬餘焚劫逼城鴻單騎撫諭  
探虛實領兵力戰生擒賊首并其餘黨五百人救  
被擄者三千人轉連州守致仕福建通志

魏一恭莆田人進士嘉靖間以刑部員外郎謫

潮州清修特著遺愛在民其後萬歷間有何啟復

興業舉人以兵部郎中亦謫潮州別駕後遷同知

嘉惠學校在海陽置市租佐祀在澄海建韓祠與

諸生課業所至皆有惠政今配享澄海韓祠潮州通志

林元龍巖州人宣德間由貢士歷潮州推官番獄

明允釋無辜者百餘人人民稱爲于公復生福建通志

萬元吉南昌人進士崇正間潮州節推青年負氣

節風采凜然洞悉民隱檣發隱伏老吏弗如後爲

都御史殉節潮州通志餘先有奉饌者亦南昌人風裁

峻峻挫紳勢要細民以安皆推官之有聲者潮州通志

陳侃字邦直沙縣人景泰三年貢士授潮州推官

築雲步隄以障海壩時颶風大作海水奔駛壞隄

數百里民居堇溺侃沉鐵以殺水勢然後漸施人

力功成民德之福建通志

鄭必顯閩縣人成化間以舉人官潮州教授學故

有山租爲豪民所占莅官者屢謀不克復必顯力

請於上官按籍得之事既白遴諸生之耆德者司  
之以其租給諸貧士助膏資纖介不染勒碑誌之

以明初志潮州通志

黃麒建寧人負夙儒望學者稱石閩先生正德間

爲潮州府教授勤於教士淡薄自甘爲學宗朱子

暇輒與諸生講究朱陸異同持論無阿比諸生貧

乏者分俸周之潮人感焉事之惟謹八閩宋風錄

曾伯良南城人永樂八年知海陽縣視家後立牌

于城隍廟曰有外施仁義內藏禍心者神必殛之

又書清白傳家四字于寢室民愛之如父母及滿

秩去父老持禮幣贖之一毫不取潮人慕祀之潮州通志

徐嗣字良佐漳浦人成化庚子舉人初知海陽修

復陷湖大隄以興水利尋改保昌請蠲無征米千

餘石民免貽累以不能諂附逆瑾勒令致仕福建通志

陳察常熟人進士嘉靖間以太僕少卿言事謫論

海陽猶介自持教由身範不以冷職介意士心歸

之後官至都御史潮州通志

姚復初洪武二年知潮陽時天下初定吏事草創

復初每爲經久計加意拊循新附樂業革陋更始

復城隍置社稷興學校次及縣宇司局之屬諸

舉舉尤首重制科及明經孝廉之薦一時所得皆

廣東通志卷五十一 官職錄下 十一

廣東通志卷五十一 官職錄下 十一

知名士在職七年以治最遷去郡志

姜森字元茂慈谿人舉人宏治三年任潮陽知縣

洞察民隱鞠獄得情民甚懷之今祀于名宦祠黃志

與郡守周鵬開潮陽城河以通水利功莫大焉潮州志

張廷槐莆田人進士宏治十六年知潮陽縣警敏

有才剖決無滯勢豪多斂跡今祀名宦祠黃志先有

永安陳隆令是邑清修豈弟而廷槐又重修城河

皆足續姜森之緒云郡志

宋元翰字良翰莆田人孔時子宏治乙卯鄉試第

一知潮陽潮人性好武斷陰持人罪相構昭元翰

論以釋怨脩睦民感懷之由賊會鉅頭犯境討平

之尋乞歸福建通志元翰奉母教甚謹每月朔必矢於

神謂無敢贖貨以干冥罰聽者悚然士民爲立專

祠祀之扁曰遺愛潮州府志

方驥之莆田人授潮陽尉遷本縣丞持躬廉潔有

善政尋移東莞寇賊蠶起驥之奮然曰官斯土而

不捍斯民吾將負丞遂統弓兵野戰沒於陣磨一

子家貧不能歸閩占籍惠來祀鄉賢今惠來方氏

其後云同上

唐宗義廬州人洪武三年任揭陽知縣見吏胥里

甲多罹獄具愾然問曰爾等何至此耶各白其故

因論以釋之歷政三年徭均訟簡民懷其惠陞廣

東都司斷事黃志

沈仲德江西人由人材洪武十四年任揭陽知縣

識見洞明秉心忠直能容人小過嘗丈量田地以

均稅畝遇攢造更定都圖以爲民便民咸德之

徐資用莆田人進士永樂二十年知揭陽縣博學

有才且端謹政暇則與生徒講究經義古昔事業

興學校訓童蒙有良吏聲

謝倬福建惠安人由進士成化五年令揭陽清慎

有爲撫字不倦甫一載而儒學月臺饌堂牲房祭

器戟門三壇養濟院縣獄譙樓坊牌公署諸廢具

興奔喪之日窘無餘囊民惜之俱同上

馮元颺字爾孜慈谿人進士天啓間爲揭陽令時

海寇徧處併力却之山寇肆掠率鄉勇破其砦賊

平考最擢戶部給事中嘗建文起書院士民卽其

中祀焉餘史

許德揭陽縣丞增闢公署核實田畝上其冊籍廣

東行省參政周楨加旌賚錄微

陳琳字玉疇莆田人進士授御史督學南畿正德

二年以言事左遷揭陽縣丞謹案郝志性温厚謙

慎處僚友怡然不立畦岸毀濬祠興學校簡詞訟

會調海豐兵赴程鄉道出邑境突至城下百姓驚

廣東通志卷三百五十一官籍錄五

三

廣東通志卷三百五十一官籍錄五

十四

怖琳節控馬出左右曰或不測奈何琳叱曰是非汝等所知也亟詣將領諭以收兵導之出境民乃晏然邑水多土漳城善圮琳於脩城之役功尤多後官至南京兵部侍郎黃志

季本字明德會稽人以理學著學者稱彭山先生正德中進士由御史謫任揭陽簿時王守仁倡教黃志 顧南相與講論在任力行鄉約以示旌別尤為守

仁所稱黃志

高攀龍字存之無錫人進士萬歷間以行人言事

謫揭陽添註典史勤於職業能匡令長所不逮嘗

集程朱諸子要語以示揭之學者多所裁正後官

至都御史天啟間疏斥魏璫之奸被逮殉節諡忠

憲黃志

鄭昇侯官人宏治三年教諭揭陽問學該博衣冠

整飭寒暑不廢日進諸生講解經義從容論難嘗

和龜山此日不再得詩以勵之明倫堂傾圮移文

鼎新規制加偉時有議省學倉併于際留者昇爭

之曰此祖宗成法不可變也使吾師生候文縣司

豈所以養士哉事聞巡撫是之嶺東一道學倉得

不廢者昇之力也主議者銜之及昇應聘文衡將

折挫之屹不為動以憂去後陞北國子助教轉

府長史卒黃志

廣東通志卷三十五

五

宋琬字德中賓州人嘉靖乙酉舉人授揭陽教諭

擢銅梁知縣專尚德化釋李方等九人之冤西陽

承順十四司構怨上官命招撫之衆皆輯化時有

馴鶴嘉禾之異邑人建集鶴亭進儋州知州鋤豪

強寬徭役弭昌江水患復榕莊公田化生黎為編

民奏立順黎附黎二圖鄉閭安業未幾卒於官民

為巷哭後祀於東坡祠粵西文獻

劉寬洪武間知程鄉廉節勤儉鋤強植弱凡百興

作惟懼擾民罷之徭役務覈丁糧多寡為等毫不

容私巧猾斂迹當赴覲道卒民迎其輓還邑泣拜

設奠仍護之歸黃志

廣東通志卷三十五

六

鄭懋中名辭以字行晉江人洪武丙子領應天鄉

薦三十五年知程鄉縣寬恕廉慎治先禮義不尚

法律自奉淡薄無所取于民有豪猾吏素為民害

懋中至首按之死于獄民大悅爭訟者至庭輒以

理委曲諭之或未悟令退而思之卒戚服不施鞭

朴詞訟以簡縣中稱治謠曰鄭懋中真長者禁令

不煩徭役寡斯民相見何嬉嬉昔日無羊今有馬

初程鄉民鮮知學懋中至首作新學校親為生徒

講解自是始有進士登第者一日感疾戒其子並

戒其吏章華曰爾領縣事須體我心毋害我民言

畢乃具湯沐正衣冠就寢瞑目而逝民哀慕之其



昇其喪歸葬復立像于漢令會芳祠合祀焉黃志

文琳浙之龍泉人監生正統七年令程鄉蒞事公

勤撫字有方鋤擊豪猾約束戎士興學課農勸賞

得宜軍民無不畏服黃志

陸鉉字克潛平湖人成化間由貢士知程鄉縣程

鄉在山海間多劇盜鉉初至議者皆以殄盜為急

鉉謂與民未有恩信何遽勞民乃新學舍以禮義

勵諸生問民疾苦晝夜不息期年之後始團練義

勇間出剿寇斬捕常至千百盜賊畏威慕化相約

無犯邑人構訟多以賂勝鉉門無私謁健訟者不

得行訟遂息以母喪歸民號泣攀轅者數千人出

境而後返行至常山以哀毀致疾卒鉉性至孝父

珪患癰吮之而愈母畏雷輒趨侍達旦不寐任程

鄉為政廉肅程鄉人立祠祀焉浙江通志

林燾字世榮莆田人先以舉人典教新會陞南雄

教授純心篤行內和外剛一介不輕取予督學歐

陽鐸褒之稱為博士第一嘉靖十年擢令程鄉其

政以鉅奸抑暴興學為事訟至以理論之民自輸

服祀名宦同上

林欲椰晉江舉人萬歷間知程鄉實心任事勤于

咨詢會歲歉饑民攘奪欲椰亟行賑濟躬詣各鄉

散給存活無算邑民至今思其德鄉志

陳燕翼侯官人進士崇正間令程鄉性恬淡抑暴  
恤弱有古循吏風建五忠祠及鐵漢樓以示景仰  
往哲之意士民咸愛戴之鄉志

歐陽灤江西秦和人正統間以明經任程鄉訓導  
闢齋舍勤教誨值閩寇流劫灤設方畧嚴守民賴  
以安其後教諭吳循博涉經史著述甚多與諸生

講藝寒暑不輟與灤後先繼美鄉志

楊昱字仲明會稽人由舉人歷教職成化十三年  
陞饒平知縣饒始分治民多頑暴昱以嚴治之建  
城池置公署興文學闢田野驅豨貉勸農桑均賦

役教民禮樂駸駸向化三年政教行歌鹿鳴者六  
人成化中年內府徵金郡邑科於民民之黠者計

構之遂誣誤去饒人思其惠不忍沒其功為立去  
思碑望耕臺以寓意今祀名宦黃志

張濬字哲之閩縣人進士成化十六年知饒平縣  
脩教令興學校廉能公恕人不敢干以私時斗老

謝全數蔑法亂政濬笞殺之全子刁訟上官濬不  
自白鬱惋病疽卒家人空橐歸櫬民哀之祀名宦

饒平縣志

邱天祐字恒吉莆田人進士宏治二年以進士令  
饒平卓有風裁縣署遭燬內自脩省外力經營一  
切新之徙城隍祠剏沿途舖舍廉能大著庭產芝

草時以為瑞尋丁外艱起為監察御史黃志

管惟乾柳州舉人嘉靖間為饒平令時土寇張璉叛三省會剿惟乾築營堡練鄉勇饋餉不置賊就擒復興學立社招集逃亡以收殘黎饒民至今思之郝志

蔣恩字石城全州人舉人嘉靖五年令惠來時縣治劇於曠野民居公署俱未建恩至寓民間始相度基址營建公署分畫街市以奠民居踰暮就緒雖工役繁興民不苦勞城宇既完乃撫字疲瘡勸課農桑作育學校使民知所嚮方蒞任六年卒于官百姓思之立遺愛碑黃志

廣惠通志卷三十五 官紳錄五

九

許直字若魯如阜人崇正七年成進士出文震孟門以名節自砥除義烏知縣母憂歸哀毀骨立終喪蔬食寢柩秀起補惠來縣著有清望徵授吏部文選主事進考功員外郎明史直任惠來時值歲荒賑濟有方民賴生全者數萬其後闖賊破都自經死贈太僕卿諡忠節許氏家乘

歐淮字汝潤樂平人舉人嘉靖五年知大埔縣時埔治草創淮以鍊達之才悉心經營建城郭構公署興學校凡諸設施調度卓有條理且勞來安集政教寔行惜未及期而卒埔民思之嘉靖甲辰祀

名宦祠黃志

方琦字懿卿柳城人舉人初授鉛山教諭嘉靖八年擢知大埔縣為人周慎文雅敷政明恕時創邑未久凡公署學宮壇墀之類皆自琦完美創建橋梁民無病涉作興學校士知振奮至其清操歷七年始終如一以考察罷去士民慨歎嘉靖甲辰祀

名宦祠上同

廣惠通志卷三十五 官紳錄五

十

李桂字廷芳全州人嘉靖十七年以舉人教諭擢大埔令沉毅剛介公廉明威不避權勢決獄發奸如神百姓咸服木縣多增田近例重徵軍餉桂因民訴輒為申省之民苦于三河溺稅桂亦為申革節用愛人崇文作土簡徭役賑困窮抑強梗卓有古良吏風政聲昭著屢膺當道之獎明年以憂去囊無餘積諸生爭助路費歸知府鄭宗古率僚恩贖百姓遮道垂淚清遠都民繪像立祠祀之粵大記

王濱疇彭澤人進士萬歷間由醴陵改知大埔性簡澹為政務救患宣滯無貴赫赫名荒政郵政皆有條理經久可行以治劇才調海陽郝志張思訓字復元鬱林州人以舉人為大埔令慈而介萬歷丁巳歲被僣民譁而掠比戶窟匿時清遠賊王和尚方熾思調應其相合為變悉心籌畫賊首就擒民以安輯卒于官上同

吳思立字叔禮南平人以貢授茂名教諭以道  
自任茂名舊無文廟思立請建之尋陞國子典簿  
出宰大埔有塘坑看牛坪三賊巢世爲湖書諭以  
恩言賊陽服陰叛思立廉知其狀乃相機搗巢不  
顧甲兵賊黨悉平潮民勒石頌德福建通志

史書元晉江人歲貢萬歷間知大埔縣折獄明決  
尤軫恤民艱胥徒借擾擾民必懲之如法洪水冲  
突爲請蠲賑所活無算後以綜覈田畝中蜚語去  
民咸寃之福建通志

廣東通志卷三十五

王

左承芳字宜桂寧德人初置澄海縣承芳任之值  
海寇林鳳薄城下統衆登陴擊破之民得安堵闢  
草萊定民厯均里役厥功偉焉後去官民立碑頌  
其德祀之名宦祠其專祠以祀者則自華亭進士  
馮明玠明玠以經術飾吏治卓有政聲後遷御史  
又葉日蕃者字巖叟易門舉人以澄邑文風興發  
詳請增額爲大學士感其意比戶絃誦通衢僻巷  
至丙夜猶聞吟唔聲政多可紀遷太平府同知亦  
祀名宦潮州府志

王嘉忠號全吾東陽人萬歷丙子舉人以教諭改  
知澄海縣浚山川築石梁民利賴焉俗例上元中  
元日男婦跨彩橋禮佛諸惡少艷歌謔浪嘉忠  
橋建主官事者著爲令浙江通志

趙敏崗縣人舉鄉薦嘉靖四十四年爲普寧令時  
賊劫設置車至任不携妻子戢盜安民三年而  
善大治適增威令決撤敏視篆惠政有加焉比代  
去民益思之祀名宦福建通志

戴之聘灌湯人萬歷間授普寧知縣有善政  
骨鯁無逢迎改授益善縣同安封有不檢者輒以  
法繩之忤王意遂拂袖歸柱門著述廣西通志

沈如霖字春渠歸安舉人萬曆間爲普寧令設縣  
幾四十年草萊未盡闢如霖至清賦役保善良日  
進諸生課之稅使恣擾調劑得宜民受其惠福建通志

阮以臨字象原桐城人授普寧令時民苦盜以臨  
緝其渠魁置諸法境內又安升知欽州其後南城  
吳紹賢海鹽張瞻韓皆以公正廉明爲民所愛戴

紹賢以崇正乙亥膺卓薦而卒於官瞻韓則以忤  
上官落職去之日閩邑之民垂泣送之潮州府志

廣東通志卷三十五

王

朱統錫明宗室建昌歲貢崇正庚辰知普寧修城  
堡禁礦徒賑饑民勵精圖治癸未冬劇盜朱曉寺  
流劫各鄉統兵壯擊之賊方熾統錫策馬陷陣身  
中八刃四鎗血流斗餘昇回猶大呼殺賊而死同  
時戰歿者八人事聞贈太僕卿祀名宦上同

何盛大興人由舉人爲六安州知州景泰初陞知  
高州府公明剛直善興利革弊禁濬福絕

巫術自是百廢脩舉屬奉法又建讀書帷于府

學中以陵士錄郡外西北坊廂民多聚居景

泰初蠶寇肆掠高涼次山賊乘隙劫擄盛召集邑

令談公祥坊老莫暹等共謀立柵開墾密種刺竹

以勞禦之衆以工浩方察恐弗克濟侯曰是非爾

所知也遂命民壯及居民採木爲柵掘地爲塹緯

以竹刺盛躬臨經畫不憚勞瘁僅及兩月而完計

七百九十餘丈建鼓樓鳴柝以防晝夜設保民寧

江靖江清江四門以嚴出入以故賊雖連歲流劫

終不敢至陳演保民記迨天順己卯臘半賊聞盛往述

職猝來犯城荷梯欲錄以入阻于刺竹柵塹之險

棄梯而退城廂均賴以安錄

孔鏞字詔文長洲人景泰五年進士知連山縣繇

撞出沒鄰境民悉竄鏞往招民爲走鏞炊飯民舍

留錢償其直以去民乃漸知親鏞相率還鏞慰勞

賑恤俾復故業教以戰守道路漸通縣治遂復都

御史葉盛征廣西以鏞從諸將妄殺者鏞輒力爭

所全活甚衆成化元年用葉盛等薦擢高州試知

府前知府劉海以搖警閉城門自護鄉民避搖至

者輒不納還爲搖所戕又疑民陰附賊輒戮之賊

緣是激衆怒爲內應城遂陷鏞至開門納來者流

亡日歸城不能容別築城東北居之附郭多冢

廣西志卷二百五 官制錄上 三

民以疫死復爲義塚瘞焉時賊屯境內者凡十餘

部而其魁馮曉屯化州鄧公長屯茅峒屢招不就

鏞一日單騎從二人直抵茅峒去城十里許道

遇賊徒令還告曰我新太守也公長驟聞新守至

亟呼其黨環甲迎及見鏞坦易無驕從氣大沮鏞

徐下馬入坐庭中公長率其徒弛甲羅拜鏞諭曰

汝曹故良民迫凍餒耳前守欲兵汝吾今奉命爲

汝父母汝我子也信我則送我歸資汝粟帛不信

則殺我師大軍至無遺種矣公長猶豫其黨皆感

悟泣下鏞曰餒矣當食我公長爲跪上酒饌既食

日且暮當止宿夜解衣酣寢賊相顧駭服更宿

而返見道旁裸而懸樹上者繫繫詢之皆諸生也

命盡釋之公長遣數十騎擁還城中人望見皆大

驚謂知府被執來給降也盡登陴鏞止騎城外獨

與羸卒人取穀帛使載歸公長益感激遂焚其巢

率黨數千人來降公長既降諸賊次第納款惟曉

恃險不服鏞選壯士二百人乘夜抵化州曉倉皇

走匿獲其妻子以歸撫恤甚厚曉亦以五百人降

已與僉事陶魯敗賊廖婆保他賊先後來犯多敗

去境內大定上官交薦擢按察副使分巡高雷二

府益招勸賊染定僑大六鄧辛酉等給田產分處

內地爲官備他盜西賊犯信宜岑溪皆擊敗之

廣西志卷二百五 官制錄上 三

治績聞賜誥命旌異遭喪服除改廣西猺獠聞鉤至悉遠遁十四年兵部上其功賚銀幣尋進按察使蒞浦賊入寇總督朱英以兵屬鏞擊平之進食

二品祿已遷左布政使明史本傳

陳爵字良貴南靖人天順丁丑進士知揭陽縣嶺

南山海寇並起賊酋魏崇輝羅劉倅等各據要害

爵親詣賊舸諭之不從乃下令撤民廬舍以材木

圍匝於外築城濬池為守脩計未幾海寇大至爵

躬擐甲胄冒矢石為士卒先賊知不可犯乃引去

尋詔闔藩督軍來討爵率民兵以應賊酋相繼授

首事聞擢知韶州改高州卒揭陽民立祠祀之建福

廣東通志卷一百五十一官績錄二十一

美

志通

曹謙字延遜景泰初領鄉薦授潮州同知徙韶州

所至以廉能稱遷高州郡守獠獠出沒剽掠民不

聊生謙綏禦合宜羣夷帖服至有迎拜道左乞田

輸稅者高入祠之浙江通志

陳腆字洪載晉江人進士正德三年知高州府公

平寬厚恬靜好學政暇與士子講解不倦浙江通志

莊科晉江人由舉人任開建知縣正德七年以賢

能改順德公平愷梯下民安之後陞南京刑部主

事歷高州知府卓有政聲山寇發請兵剿平之不

以為功黃志

石簡字廉伯海寧人嘉靖癸未進士授餘干縣陞文選郎中十一年外補高州知府高州當猺賊焚掠之餘多方料理民得蘇息貳之如父母後改知

安慶府去錄微

歐陽烈字懋之泰和人舉人嘉靖二十五年守高

州公廉慈惠愛民如子建拱極書院聚六庠士之

尤者以二府王佐專院事取師儒而分督之定期

立會親與諸生講學敦實行黜浮靡一時士類爭

自濯磨刊禮畧以移民風响州海外不知文敦立

祥龍社學訓其子弟拔其秀者充側陋生養于府

庠頒舖租以給生徒立學田以供祭祀凡百脩舉

廣東通志卷一百五十一官績錄二十一

美

務在與民休息蒞任五載以報政去士民自立遺

愛祠而歲祀之黃志

周仕字君可金陵人謹案蘇志作武進人以蔭授中府都事

擢潯州太守以憂未任服闋改補高州郡去省寫

遠吏茲土者多刑法自利仕未入境有餽路資者

竣拒之到官潔身省費不受供給一錢而於利弊

興革一一舉行如興學校修城隍清獄囚弭盜賊

考課為嶺南最百姓愚者向化頑者消梗守六載

政平治理而廉靜無欲始終不渝高人頌之臺司

獎薦無虛日屢乞休撫按輒加慰留嘉靖甲子陞

陝西苑馬少卿錄微

吳國倫字明卿興國人嘉靖己酉舉鄉試第一庚戌成進士授中舍尋擢陳垣與李攀龍王世貞徐中行梁有譽輩齊名會楊繼盛以疏斥分宜奸邪論死知交親戚悉諱避引去而國倫與世貞往哭之哀且恤其孤分宜聞而恚恨竟爲所中左遷憲幕浮沈下僚者十有三年及分宜敗稍遷至譙郡守復徙高涼適烏糞侵境民無固志國倫謹斥墮勤訓練間出奇兵搗其巢而俘其衆賊始遁去郡藉以安於是捐俸開館訓迪維勒文教武功翕然並率士向化而民歸心焉初國倫以詩名重海內至是保障一方而聞者又咨嗟艷慕謂詩不足以盡之云高州府志

廣東通志卷二百五十一 宦籍錄五

七

蔣彬字元中吳縣人嘉靖己未進士隆慶六年由禮部出守高州值寇屠電白發簾相煽殘破諸州邑彬知彘利藥弩偵得其法彈力捍禦得死士二萬剿滅賊首吳邦倫梁以節賊黨黎宗京復畔彬計擒之其子煽衆噪城下立斃之餘孽李觀祥等據險負稅單車往論爭出巢納款亂始戢立社讀法延師訓誨習俗一變以觀行乾隆五十七年追祀報德高州府志

楊逢時字景者荊州人進士萬曆三十年知高州府嚴杜私謁永操皜然亦復和易近民懇勸造士

政成擢廣西學憲高州府志

曹志遇字二箕興國人進士萬曆四十年以尚書郎出守高州丰神岳立凜不可犯家民盡吏相戒屏跡重建郡學創筆山書院立表忠祠復古南門纂修府志皆捐貲爲之尋擢羅定兵憲老幼攀轅塞道立高山堂祀之高州府志

林宗字肖考漳浦人由舉人崇正四年以比部郎出守高州仁禮存心寬嚴得體捐俸立夜總巡緝城郭民間無鷄犬驚改建察院公署上臺便之觀行擢雲南憲副民不能忘上同

廣東通志卷二百五十一 宦籍錄五

天

申用嘉字美中申時行季子也辛未出守高州潔己勸民以捍海賊劉香老功奉旨紀錄癸酉入覲藏吏報存贖緩十鎰可給芻秣費儲而貯之以行子集

姚繼舜桐鄉人崇正七年知高州府政平訟理講學明倫容令城外四關起造社學設立社師捐俸置田以供給之遠近士民彬彬向化比之文翁之造蜀云高州府志

戴嘉猷績溪人進士任禮科給事中諫武宗南巡下詔獄請尉臨桂歷陞高州同知署雷州事端嚴明決不數月黜賊吏十餘剷除宿弊豪猾斂跡郡事清簡時久旱嘉猷齋心禱雨立應民苦饑卽請

賑貸之舊有護城堤嘉猷以爲隘興工增修築石  
開六以洩內流易地一區建亭紀事樹文明坊於  
府學凡公署頽廢者無不捐貲修飾任逾八月風  
采振肅四境安謐嘉志

李渭字湜之吉水人弱冠登賢書初令華陽遷高  
州府同知至則調甘泉湛先生修復書院教授諸  
生豐豐不倦而以其間飭武事備不虞西賊來攻  
渭率所部授甲置陣爲三伏以待賊竟引去時方  
變里甲爲均輸渭劑其多寡官爲主辦放民歸農  
至今著爲令合浦吏以美珠進化州吳川吏各以  
兼金進皆斥去不顧晉應天府治中南戶部員外

廣東通志卷二百五十一 官制錄三

五

郎再轉工部郎中出知韶州府先是韶有二源之  
役百姓苦之多去爲盜渭集寮屬諭曰夫子告康  
子以不欲弭盜之本也倘身爲寮壑是我爲盜竿  
何以責之民乎弭山中盜易弭心中盜難諸君勉  
之聞者悚息居韶治最當遷而部民以借寇請詔  
進服俸知部事如故再入覲時穆廟宴天下守令  
卓異者七人旌之幣鈔渭與焉還詔晉副使平惠  
潮討朱良寶克成厥功恩賚加等經畧惠潮水寨  
更置守巡建清遠邑治開驛從峽中東山達英德  
以通東粵皆渭之謀也獻徵  
林資深字學靜福清人嘉靖丙午舉人授羅定知

州改補崖州黎巒雜處民多失業乃相地濬溝引  
南北水合注平壤溉田數萬頃黎寇與多港構難  
撫諭有方境內牧宰民碑而祀之遷高州府同知  
署化州州多火患教民易茅以瓦會讞大獄與監  
司抵牾掛冠歸通志

劉元相字我忠全州人隆慶丁卯舉人事繼母以  
孝聞初授華容教諭洎令嘉魚判肇慶俱有聲遷  
高州同知羅旁始平督臣議建封門函口南鄉富  
林四所以防盜重元相才令督其事元相經營有  
法不踰月而成時叅軍楊照守函口病卒士卒之  
死于瘴疫者半代楊照者黃允中議遷其地當路

廣東通志卷二百五十一 官制錄三

三

許之元相力爭曰函口西接巨岡南界高涼實搖  
撥出入之險無函口是無西山也人臣爲國守封  
疆允中不往某請代之議遂寢其後西山諸境安  
然無事皆元相功也後竟以勞瘁卒粵西文載  
汪龍字世霖建陽人嘉靖乙卯舉人累遷至高州  
府同知議足兵糧守要害禁鬻子正黃冊當後調  
未赴卒通志  
王名善者不知何許人國初爲高州府通判先是  
海寇何均善聚衆數百人嘗爲瀕海諸州患官軍  
已捕戮之其餘黨羅子仁等逃去洪武四年秋八  
月子仁等復劫奪府印逼名善從己名善不屈說

至霞峒新營遂遇害是月己酉也雷州衛遣千戶

黃青領兵擒子仁等斬之餘黨悉平

黃志

毛鶴賀縣舉人正德六年授湖廣瀏陽知縣遷高

州通判巡撫都御史楊且檄征連陽擒斬賊首王

貴等千餘名征恩平擒斬賊蘇萬里等尋擢儋州

知州編高雷瓊三府均徭及議瓊屬里甲直錢軍

需則例清儋州無徵米一千七百石有奇辛己都

御史蕭紳檄征開建上下銅針及賀縣都關石牛

等寨獲百餘功嘉靖初都御史張嶺取赴軍門尋

薦之領兵抵蒼梧滑水巢奪回所擄男女牲畜征

陽江那乾那岳斗門等寨擒斬賊首戚仙攻新寧

廣惠通志卷二百五十一

官籍錄十一

三

黃蛇圃水新興雲扶等巢斬獲皆以千計三年提

督二陽高恩寧電六縣兵事遷雷州府同知仍提

督四年御史盛應期檄修哨船二百艘哨岑溪肇

慶平樂上自府江下至官窰江道肅清進階從四

品致仕歸壽七十終

廣西通志

陳源湛字醴泉永安人領萬曆癸西南閩鄉薦授

和平令巨寇江月照葉英亂源湛計殲之及叙功

有蔽之者授高州判

福建通志

楊賢和州人永樂間任高州府推官治獄務存哀

矜卽罰當其辜猶反覆鞠訊恐其誤入也賊受囑

攀良民民懼餽千金求免賢笑曰誠賊也萬金不

可贖已燭汝寃自當釋汝烏用金為遂還之急釋

良者而痛懲誣桀者

郝志

袁怡字脩倫袁州分宜人授高州府推官有為盜

而捕其子殺人而逮其父者皆久繫獄察知其寃

皆出之民情大愜由是守長推能訟多取決無留

牘焉獄中大疫濟以醫藥死則給棺掩埋之時山

賊稍出寇掠守臣張大其事以要功賞白于督府

業已調兵大舉怡適攝捕盜執不可第令民自團

保且上便宜密緝通山數人擒獲誅之餘黨大定

民賴以樂業于是教民耘耔又捐俸建高明書院

選諸生肄業其中月給膏火費文風翕然丕振治

廣東通志卷二百五十一

官籍錄十一

三

行卓異為嶺西首屢求致仕巡按王德溢勉留之

不可民懷遺愛祠于名宦太僕少卿李邦直為之

記歲戊午士民又為建去思祠右布政使翁大立

撰去思碑參政吳桂芳撰祠記尚書湛若水又為

撰循良傳行世

黃志

鄭之珖成都人崇正十五年任高州府司理察奸

勦強詳革六弊屬吏畏威奉法無敢舞文常親至

筆山書院課士論文入夜不倦

郝志

張復普字龍田銅梁人崇正四年以鄉魁宰茂名

視民如傷疑獄立剖造士必誠衡鑒不爽築南橋

塞新塘以備水患每舉三事論民曰立好心勤教



子早完賦旋以內艱去邑士民追送百里上同

鄧昇江西南城人由監生成化二年任電白知縣

時縣治初遷學校宮室未備乃逐一興舉經畫有

方民勞不倦獄訟平息政績著聞秩滿而去民思

之不忘黃志

王許之高安人進士萬歷元年令電白倭變之後

縣無完室許之綜理曲盡立運頭等水寨沙河等

營堡增敵樓十有六公署倉庫俱為一新平積寇

四百餘黨四境晏然雖在倥偬而留心學校月課

明肅親為講解以興絃誦云

張希臯六安州人進士萬歷六年令電白廉潔仁

愛緩刑節用建學宮濬城塹嚴鄉約集流亡歸誣

省訟固圉空虛均畝定賦奸豪伏匿猾胥舞文必

刑齊民誑誤必釋赴召之日行李蕭然父老感之

高州內志

陳王策字蓋臺莆田人萬歷間以舉人令電白修

學繕城不憚心力勤撫字勸農桑豪右魚肉善類

者繩以三尺尋擢惠州別駕士頌民懷子辰忠甲

辰進士司理廣州有聲父子並稱循良上同

張景愚信宜知縣廉勤公正愛民如子在任一年

雖鷄黍微物亦所不受一日有于塘內獲一魚以

奉景愚見其腹有子即放之黃志

廣東通志卷二百五十一 官績錄三

五

姚原立貴溪人進士永樂十二年為信宜令公廉

律已寬惠撫字民謠多歸化之築城垣修學舍政

暇召諸生課試之多所成就在任五年以憂去民

思之不忘上同

顧斌字質夫晉江人萬歷己酉舉人授信宜令民

有十異政之歌邑向轄狼兵多侵冒斌按籍清覆

編伍遂兢兢守法海賊李魁奇寇吳川當道知斌

才撤治之斌躬屬囊韃兩次督戰殲其先鋒賊遁

去會省兵誣舟商為盜以邀功斌泣請當道釋數

百人攝電白化州二篆所在攀輿久之遷萬州守

峒山黎寇各相戒不敢犯福建通志

廣東通志卷二百五十一 官績錄三

五

廖穀字式我萬安人舉人萬歷間為信宜令剛介

不回嚴言籍清餉餉艱歸補高州海防時寇李魁

奇窺限門設力禦之賊不敢逞民之孤弱被豪靈

侵漁者白於當道雪之權限門關稅所餘不入私

橐自為令及在郡廉潔始終不易致仕歸民立祠

梅祿墟祀之州志

王智字惟哲浦城人景泰庚午舉人任化州知州

鄰寇犯界智與戰親言矢石殲其渠魁後臨陣中

矢死福建通志

李時敏平樂人景泰癸酉舉人成化間信宜知縣

寬厚廉潔卓有實政遷化州知州民苦歲祲上官